


## 2015-imi aningaasaqarneq 1,7 pct.-imik pitsanngoriarpoq

2015-imi Kalaallit Nunaata aningaasaqarnera 1,7 pct.-imik pitsanngoriarpoq. Taamaasilluni ukiut marluk tulleriit aningaasaqarnerup ajorseriatarsimanera 2015-imi unippoq. Ukiuni 2004-miit 2008-mut aningaasaqarnerup ingerlallu- arfiani ukiumut agguaqatigiissillugu 4,2 pct.-inik pitsanngoriarfiusarsimavoq. Ukiuni tulliuttuni sisamani BNP ukiumut agguaqatigiissillugu 1,8 pct.-inik qaffariartarsimavoq. 2013-imi -3,0 pct.-inik aamma 2014-imi -0,8 pct.-inik aningaasaqarneq ajorseriarsimavoq.

### Titartagaq 1. Tunisassiornerup nalinga (BNP), akit qaffakkiartornerat peerlugu



### Atuineq ineriartortitsisoq

2015-imi aningaasaqarnerup ineriartornera nunatsinni atuineramik anneru- sumik pissuteqarpoq. Nalilinnik pisineq 2,8 pct.-imik qaffariarfiusoq anin- gaasaqarnerup ineriartorneranut pissutaavoq. Aammattaaq inuit atuinerat 0,9 pct.-inik qaffariartitseqataavoq.

Takussutissiami 1-imi takuneqarsinnaavoq BNP akini ingerlaavartuni aam- malu BNP akusimasunit kisitat akit qaffakkiartornerat peereerlugu ineri- artornerat. BNP akusimasunit kisitat inummut ataatsimut naatsorsornerani 2015-imi 233,6 tkr.-inngorsimavoq 2014-imi 228,6 tkr.-iusimasoq. Taa- maalilluni 2,2 pct.-imik annertuseriarsimapput.

## Takussutissiaq 1. BNP aamma BNP innuttaasunut agguarlugu

	2006	2007	2008	2009	2010	2011	2012	2013	2014*	2015*
Akit ingerlaavartut										
BNP, mio. kr. ....	10.816	11.155	11.780	12.463	12.972	13.504	13.952	13.948	14.318	14.938
Innuttaasunut agguarlugu, 1.000 kr.	190,1	196,9	208,6	221,8	229,8	238,5	245,9	247,4	254,4	266,8
Naleqqersuut, 2010=100 .....	83,4	86,0	90,8	96,1	100,0	104,1	107,6	107,5	110,4	115,2
Ukiumut BNP-ip ineriartornera ...	8,9	3,1	5,6	5,8	4,1	4,1	3,3	0,0	2,7	4,3
2010-mi akit, akusimasunit kisitat										
BNP, mio. kr. ....	11.940	12.012	12.444	12.630	12.972	13.165	13.365	12.970	12.864	13.077
Innuttaasunut agguarlugu, 1.000 kr.	209,8	212,0	220,4	224,7	229,8	232,5	235,5	230,1	228,6	233,6
Naleqqersuut, 2010=100 .....	92,0	92,6	95,9	97,4	100,0	101,5	103,0	100,0	99,2	100,8
Ukiumut BNP-ip ineriartornera ...	7,1	0,6	3,6	1,5	2,7	1,5	1,5	-3,0	-0,8	1,7

### Akit 2005-imeersut atorunnaarlugit 2010-mi akit atornerqalerput

Saqqummersitami uani akit ataavartut nutaamik naatsorsorneqartalerput, 2010-mi akit tunngavigalugit ataavartumik akinik naatsorsuineq pisalermat. Akusimasunit kisitani 2010 "aallaavigineqartoq" atorlugu annertussutsit ineriartornerat paasissutissiarineqarpoq, akusimasunit kisitat tassaapput 2010-mi akit tunngavigalugit ukiut tulliini akit ineriartornerisa naatsorsornerat. Naatsorsueriaatsimi nalinginnaasumi 2010-mi akit ataavartut takusassiarineqarput. Naatsorsuinerit pineqartut assigiinngitsut marluk kisitsisaa-taasivimmi pissarsiarineqarsinnaapput.

### BNP-mut uuttuut nutaaq

Nuna tamakkerlugu naatsorsuutini akit qaffakkiartornerat peereerlugu takusassiarineqarnerisa saniatigut matumani saqqummersitami uuttuut nutaaq akusimasunit kisitsineq tunngavigineqartalerpoq.

Akusimasunit kisitat takusassiarineqartalernissaanik kissaat annertussutsinut naleqqersuutit atornerqartalernissaanik tunngaveqarpoq. Ukiunut naatsorsuiffiusunut ungasissunut ukioq naatsorsuiffiusoq annikitsuaraannarmik atorsinnaavoq, annertussutsinullu naleqqersuutimut uuttuutitut ukiunut pineqartunut atornissaanut piukkunnarpallaarnani. Akini pineqartuni ukiumit naatsorsuiffiusumit allannungaatsiartoqarsimatillugu nalinginnaasumik taarsiisoqagattaartoqalertarpoq, taamaalillunilu amerlassutsinut naleqqersuutit aalajangersimasumik uuttuutillit equngasuulertarlutik. Equngasoorneq taanna nalinginnaasumik annertussutsinik allannuisarpoq ukiut naatsorsuiffiusut niki-sinneqaraangata, taamaaligaangallu oqaluttuarisaaneq allangortinneqartarluni.

### Nuna tamakkerlugu naatsorsuutini annertussutsinik missingersuineq pitsanngorpoq

Uttuutit isikkuisa pitsaannerusut taamaasillunilu piffissamiit piffissamut ineriartornerup nikerarnerata ineriartorneq tamakkiisoq pitsaannerusorlu akusimasut atorlugit kisitat (akit tunngaviusut nikerartillugit naatsorsuineq) qu-lakkiissavaat. Nuna tamakkerlugu naatsorsuutini ineriartornerup missingersornera pitsaanerulissaaq akit qaffakkiartornerat peereerlugu naatsorsuinerit akusimasunit kisitat tunngavilerneqarnerisigut

### **Nuna tamakkerlugu naatsorsuutit naalisarlugu**

Nuna tamakkerlugu naatsorsuutit tunisassiornermit aallaavillit inuiaqatigiit aningaasaqarnerata ineriartorneranik ersersitsisarput. Naatsorsukkat takuti-ttarpaat inuutissarsiutit inoqutigiillu aningaasaqarnerat, minnerunngitsumillu avammut niueqateqarnerup ingerlarna. Taamaasilluni nioqqutit kiffartuussi-nerillu pilersiorneqartut atorneqartullu naatsorsuusiartigut takussutissarta-qalersarput. Saqqummersitaq manna, Naatsorsueqqissaartarfiup saqqum-mersitaani nuna tamakkerlugu naatsorsuutini ukiunik arlalinnik tunngave-qartuni, arfinilissarivaat.

Nuna tamakkerlugu naatsorsuutit 2013-moortut naatsorsoqqissaarneqar-simalerput, taamaasillutillu inaarutaasumik saqqummiunneqarsinnaan-ngorlutik. Taamaattorli tamanna kisitsisinut saqqummiuteriikkatsinnut, anin-gaasaqarnerup ineriartorsimaneranut tunngasunut, allannguutinik annertu-nerusunik kinguneqanngilaq. Nuna tamakkerlugu naatsorsuutit inaarutaasut naatsorsoqqissaarnerisa 2013-imi 2014-imut aamma 2015-imut BNP-mik missingersuusiortoqarsinnaalersippaat.

Naatsorsueqqissaartarfiup nittartagaanut [www.stat.gl](http://www.stat.gl)-imut saqqummersitaq "2006-imiit 2015-imut nuna tamakkerlugu naatsorsuutit" pdf fiilinngorlugu aaneqarsinnaavoq.

Saqqummersitami "2006-imiit 2015-imut nuna tamakkerlugu naatsorsuutit"-ni paasissutissat itisilerlugit kisitsisaataasivimmut aallertoqarsinnaavoq una aqutigalugu [www.stat.gl](http://www.stat.gl).

Paasissutissanik annertunersunik paasisaqarusuttut uunga attaveqarsinnaap-put; Naatsorsueqqissaartarfiup pisortaa Anders Blaabjerg, e-mail [abla@stat.gl](mailto:abla@stat.gl) (oqar. 36 23 72).

Inussiarnersumik inuulluaqqusillunga  
Anders Blaabjerg